



生神章第六




良文梵
天窟系

生神章第七




坤文梵天
銀色光炁

生神章第八



乾文梵天
金色光炁

生神章第九



玉帝訣上天
青黃白三炁

報應九章玉光神呪

靈魂陰精 苦寒南溪 聞吾一呪 入上巽崙
千妖萬怪 太上之孫 入夢現形 出離幽冥
六天太魔 保生長存 急急如
上清大帝律令効

右符法指玉清訣三五編取天門炁吹鬼
門再取鬼門炁吹於靈位或牆上即得現
形墜福通傳語言

靈寶无量度人上經大法卷之三十七

靈寶无量度人上經大法卷之三十八

祈求嗣續品


玄師曰靈寶之法變化无穷出於自然初
不可以意臆也為符為篆靡所不通天地
神靈山川草木人民禽獸星宿日月凡所
有形皆有符章之象以治之非符之各有
配合也蓋天地之內不出元始一炁耳既
得生於一炁則一炁所到自爾常符之不
同由其炁分之異故也靈寶束縛靈符之
外又有二百餘符皆一炁所化也

書符呪曰

傾光迴駕至嚴校諧天

唵縛日囉暉擊喇薩訶
唵縛月囉喏母喇娑訶

五中指中為訣



書右字左日七縛右月七煞存日月紅黃

光交合入符中取東方炁一口西方炁一口二口發出念呪指訣如要男以手自寅左轉至巳發出如要女以手自申右轉至巳發出夫婦相望夫面西婦面東清晨服符一道百日有子佩帶亦以前呪未書白

素男左女右帶之服則燒灰吞下

太上育子神符秘法

太上老君傳九天衛房聖母育子神符秘法老君曰凡處世最靈莫過於人是故人身難得蓋愛父精母血陰陽二炁結成形像譬如天地之秀炁成形也天地養育萬物春夏茂長秋冬肅殺猶不可盡何況於人人絕其子是為大逆是乃天地好生而不好殺吾哀而憐之其无子者豈非世之大貧乎吾令重為生靈傳授付漢天師張道陵降下人間普救世纏无嗣孤梗者令其夫婦食素每日侵晨焚香向彩繪九天聖前祝願各種名禮拜求子因依各吞一粒令得早結胎孕牢固胞室令子顏貌鮮潔精神瑩秀好習文章伶利富貴人中殊勝服之四十九日自然報應或異

夢吞日月或種種異物即是報應將後必生異子先須具狀申九天聖母衆神以酒果好香供養

九天育胎神符呪曰

九天衛房真炁攝



書符時對聖祝了念十四篇書之呪畫符成醋調硃砂黃連紙上書之撰作九乳者

湯下

致雨開晴品

玄師曰天氣下降地氣不昇則炎火亢極旱妖作災地氣上騰陰勃陽閉則溢水陰靈水滂為害有陰德則伏末言行陽功則有所懇請治建癸壇以請澤立丙丁式以止靈告賜谷而奏天帝責職龍而禱三官分限極則朝玉關降符簡而撒雷霆丁甲施功太一助力手華推妖治發敗正四女分隸和合欲斃功成百兆受澤德允萬物

滋茂言功謝過司位遷秩名列天仙之籍德運神公之比苟且无功罰壽降職兆宜遵守之

訣曰凡雨者天炁下降地炁上升陰陽和合則雨降也旱者天炁下降陽氣獨運地

炁不升陰陽不和則炎烈亢陽火旱作災又一隅主者酷毒暴虐怨恨致正多致此災若地炁上騰陰炁干陽天炁不降則陰靈淋漓水滂為害又掌民之首陰謀潛毒刑德不明暗害忠良多招此禍也既司真階當自行陰德并為先庶而密作祈禱若有投誠乞於救治乃曰陽德也請雨當建癸字之壇祈晴須立丙丁之壇大功三日中功七日下功九日應効乃分限初則建壇齋戒持誦真經洞淵龍文關告社令行雨職龍賜谷神王水官司命次則奏於伏羲大帝中刺天帝然後朝神金闕章閣上帝安太一元君六丁六甲三昧大匠收束水妖韓司雷霆去陰賊害丹羽之扇開晴黑符之簡致雨召龍行雷持呪布澤湖海

神女開翳分先太和海妃和會二下信來
先風號令而必晴未雨初雷煥閃而未和
尚霖功成非已德精誠契天地上玄不曲
物須以德合符

請雨降澤

請雨先於淨地建癸字壇如式如急用以
黑泥塗地作癸字形於壇北列懸在大時
登壇誦大梵隱語或洞淵經文召龍呪祝
限以十九日為期切始三日第一日開告
社令及行雨當職龍神申賜谷神王及水
官府司令府並稱靈寶大法司其關告之
式具所投詞旨无詞即具充早因依餘如
後式或以香茶酒果七分遣仙曹遞送未
有昭格次日奏扶桑大帝告下三元水府
東海蓬萊都水監申刺太玄都省依前達
發尚未報應即具奏奏玉帝拜章達三天
神朝金闕乞賜敕命下付水司方始朱書
召龍符墨書致雨符於鐵札上擲江海中
方始告下五雷使者丁甲大神風伯雨師
轉牒城隍九江四海湖潭溪澤龍神責限

降雨取令周足三日未應次行中功七日
為期二日為一限依前進行科式如未報
應方行下功九日為期三日為一限亦依
前進行科式若計十九日不報更不許祈
請一則運數天災伐惡二則祈請无德三
則誠心不臻所致况太上常善救物亦不
過三限必應雨澤稍有輕愆三官糾察降
職罰功應感之日無謝
天恩言功效職

洞明癸水壇




依常式不以大小上層去西北東北一角
中層別接左右二序道下層去東南西南
角

三天召龍真符



三天致雨真符



右二符用鐵板長一尺二寸闊四寸面書
召龍符以朱背書致雨符以墨背有龍之
水投之欲投符丁罡三步左手擎符右手
仗劍呪曰

三天符命 召龍致雨 天丁在前 風伯師舉
玉露閉塞 陰陽關阻 昇降二炁 飛風走雨
官宜龍神 依符奉行 敢有不伏 水官飛奏
上清天丁 斬殺汝形 玉清靈命 汝須敬聽
急急如三天律令

投符訖急退恐雷水驚人

請雨章請官式

謹為上請大一直符五雷使者六丁玉女
六甲文神河中玉女海中玉女湖中玉女
應時下降執奉敕旨告下扶桑水府賜谷
神王蓬萊都水大監水官司命四海九江

103 / 48317

三元水官并今歲直雨龍神風伯雨師雷公電母九江社令龍神仰分布地分部領所部之地界分之中主水行雨龍神疾速和合陰陽興雲布露施降甘澤霽電周足以救焦熬如有毀敗正炁妖惡乞從雷電震伐以明天憲不致阻隔雨澤恩惟太上玄

止雨請晴

於露地影幕下建丙丁壇或以赤泥塗地作丙丁壇形繪羅作扇書閉晴符於八方申水官府賜谷神玉告下神龍主雨神祇。第二日拜止雨章如不已即徑朝玉皇上帝差降太一元君丁甲大神救三昧火匣收束水炁斬斷水妖分隸陰陽功成顯謝天恩布於壇中六時持誦大梵隱語

賜谷丙丁壇



依常式下層中別築一道序道中層分築二道上層如式不增減。三天分開玉路請晴真符



凡日久陰霪雨水作災於露地建壇上油幕以紅鶴羽作扇扇上須以黃書玉路符於其上呪曰：金水相生 反為相刑 火土之炁 克制相刑 韓司整令 三景光明 陰陽分隸 通達紫庭 元始大道 戊巳丙丁 急急如三天太上律令 即立扇於八方持呪不過一時雨勢開晴 三天分明

止雨章請官式

謹為上請河中玉女海中玉女湖中玉女水官直符告下三元水府水官曹局江河

海濱泉源溪澗主水龍神雲雷雨部風伯等神今歲行雨龍神雨師疾速收雲做霧分隸陰陽止雨開光各歸所治以為效信如第二章亦云如是即便示又請太一元君六丁玉女六甲大神天丁力士一時下降速收水炁斬伐水怪分決泉源開通玉路顯明三光以為效信

靈寶无量度人上經大法卷之三十八